



anagrammes de triepault 1035.
repons d'esprit du meme - - 1036
bibliothèque germanique 1037
coutumes d'orléans. - 1038
vaillant de quelis. - 1039
consulat d'orléans. - 1040.

**
** DES LIVRES **
** de J. J. Pataud, **
** Chanoine de l'Eglise d'Orléans. **

all this

R



α. 29

1055 1.


LIBELLVS

ANAGRAM

MATVM VIRORVM ILLVSTRIVM
AVRELIENSIVM.

AVTORE EMMANVELE TRIPVTIO
AVREL. PRÆFECTO VRBIS NEUVILLENSIS,
Rerum priuatarum iudice.

Βέλε ἀρέσκειν πᾶσι, μή σαυτῶ μόνον.



AVRELIÆ,

Ex Officina RENATI FREMONT, Typographi
iuxta Ecclesiam boni Nuntij.

1613.



AD LECTOREM.

PHœbus amat lauros, & habet sua castra Cupido,
Iuppiter ardenti fulmina missa manu.
Tela trifulca tenet rapidis Neptunus in vndis,
Et miseras Pluto iactat avarus opes.
Nomina Musa canit magno conuersa labore,
Laudat & eximios Calliopæa viros.

E. T.

AD EVNDEM.

Heu sunt clarorum quædam taciturna virorum
Nomina, parce operi, lector amice, precor.
Accidit hoc fatis, & Apollinis omine læuo,
Qui dare Lethæis nomina iussit aquis.

E. T.

IN ZOILVM.

Qui malè cœlestes laudat, fit Apollinis arcu
Hypsæas, tandem Marsya stultus erit.

E. T.



DE EMMANVELIS TRIPVTII OPERE

CARMEN QVO GERMANVS AVDEBERTVS

*Aureliensis quondam vates excusatur, quod
Novam Romam potius, quam Aureliam
patriam decantauert.*

AVDEBERTE nouam cum dicis carmine Romam,
Ipsa suum ciuem te noua Roma facit.

Extera dat grates tibi, dat tua terra querelas :

Sic, inquit, patriæ debuit esse memor ?

Siccine longinquas ad cœlos euehit vrbes ?

Illi numquid eram materia ampla satis ?

Immemorem frustrá dicit te Aurelia ciuem,

Non fuit a patria mens aliena tibi.

Illius immensas tentasti scibere laudes,

Sed pudor inceptum linquere iussit opus.

Quam graue pondus erat nosti, seruabimus ista,

Dixisti, quibus est tersa Camœna magis.

Ecce recens venit tandem, Audebertè, poeta,

Quod graue credideras, is leue ducit onus.

Expectatus adest vates : Tripputius ille est

Cui tripodas notos doctus Apollo facit.

Hic est qui ciues nostros commendat, & urbem,

Orbis magnificum qui canit esse decus.

Grata tuo multum debes Aurelia vati,

Per quem nota viris gloria facta tua est.

Elicuit veras verso de nomine voces

Ordine, quas miro Musa canora refert.

Et quæ multa tuis præconia reddit alumnis,

Hæc a nominibus, non aliunde trahit.

Sumit ab his quod dat, laus est, quam præbet in illis,

Sic quo donantur munere, munus habent.

Nomina non sunt hæc quæ pagina docta recenset,

Fallor, lumina sunt splendidiora die.

Lumina, quæ claram te, chara Aurelia reddunt,

Et sublime tuum nomen ad astra ferunt.

N. MYSSARDVS.

COMPARATIO CELTELENISMI LEONIS

TRIPPAVLT PATRIS CVM ANAGRAMMATISMO

EMMANVELIS TRIPPAVLT

FILII.

A Græcis Genitor deducit Celtica verba,
Et vocum fontes signat Etymologus :

Comprensi meritum natus cuiusque libello

Nominis inuersis litterulis aperit.

Magnus in his labor est, & maior gloria merces :

Verum nobilius dic mihi cuius opus ?

Nobilitate vt homo superat data symbola rebus,

Sic longè superat filius arte patrem.

ROLANDVS COLAS.

In duris lilia crescunt.

IN EMMANVELIS TRIPVTII
ANAGRAMMATISMATA.

CVM clarus, patriæ, canens
Claros Emmanuel viros,
Laudes addere vult suæ,
Certé non pius est modo,
De illa vel meritis bene;
Verum mira facit, suis
Ducens ex Anagrammatis,
Quod foeliciter admodum
Cuius congruat aptius:
Quod quivis sibi præmiū
Laudis percupidus velit.
Tam bellé, vt genio suo
Fortunæ que nihil suæ
Quicquam conueniat magis:
Necnon puré etiam bonis
Cum musis loquitur, diu
Mutas ad Ligerim Deas
Casto carmine suscitāt.
Hoc rarum fateor nimis
Concinnum nimis est opus;
Et certé nouus est labor,
Nusquam sumptibus, aut sibi
Parcens, vt suus, hic suum,
Non quivis popularis est;

Sed dignus, teneat locum.
Sed dicam ingenué, bonus
Noster Tripputius facit
Cauté quidquid agit, sibi que
(Ex hoc laudo tamen virum)
Primo prospicit vt fat est.
Nam dum promptus & arduum
Spirans semper, vt affolet,
Vos clari patriæ canit
Tam comptis numeris, vbi
Tam bellé simul & decor
Conspirant Charis & Venus;
Spargit dona sui ingeni;
Se se credite prædicat
Se quám vos loquitur magis
Vobis si studuit, sibi
Certé haud consuluit minus;
Res bellé cecidit, tuis
Votis Emmanuel, manet
Nam te magna ter & quater
Merces, nam quid habent tibi
Grati quod referant tui
Ciues: quisque suas nisi
Quas largiris opes ei
Soli, restituat tibi.
Res bellé cecidit tuis
Et votis aliter, solo
Præcurtis Anagrammatis
Quæ sisti patrio decus.

Præcurtis Epigrammatis
Vitæ, veh nimium breui,
Addis Nestoreos dies :
Curto carmine comparas
Æternam tibi gloriam.

I. MOREVS. Aurel. causarum patronus
Sic tua nos virtus.

IN IDEM.

NÆ tibi quisque bonis instructus in artibus, vsquã
Si fueris, vario nomine vincetus erit.
Quantum vix aliquis vel mente capessere, quantum
Vel quæuis docti dicere lingua queat :
Non modò qui superest, purasque Tripule leporis
Delicias, veneres, audit, amatque tui.
Verum plura etiam debent, quos lumine dempto
Dudum iam functos Orcus avarus habet.
Nam viui lepido (mirum) varioque labore
Ut nusquam timeant funera sæua facis.
Per te etiam functus, & in hoc fata aspera rumpes,
Quos tua Musa canit, vita perennis erit,

Cœlo Musa beat.

ANAGRAMMA.

EMMANVEL TRIPVTIVS.

EN PIVS MALVM VERTIT.

VT pius Æneas confectum ætate parentem
Sustinuit, tacitis vrberuente dolis.
Vt tener infidis genitorem Scipio Pœnis
Abstulit, & Crœsum sollicitavit Atys.
En pius occultos iudex confundit amores,
Neufuillense graui vertit & arte malum.

E. T.

LIBELLVS

ANAGRAM

MATVM VIRORVM ILLVSTRIVM
AVRELIENSIVM.



Anagramma.

GABRIEL DE L'AVBESPINES.

SYB SPINA DEI BELLA GERE.

ROMA diu vixit foelix regnante Lucullo,
 Africa Romano principe tuta fuit.
 Oppressam soluit numerosis Cyzicon armis,
 Et regem Ponti sub ditione dedit.
 Romanum sequere imperium, populoque neganti
 Sub spina Christi bella cruenta gere:

E. T.

A

Anagramma.

MATHVRINVS DE LA SAVSAIE.
HEVS, SI IN ARA, SALVTA DEVM.

VT Numa solennes superis concessit honores,
Condidit & Iani lucida templa Dei.
Iustitiaque grauis, pietate insignis & armis,
Romanos docuit thurea dona dare.
Iure Numam superas diuino, perge, saluta
Altari impositum mente fatente Deum.

E. T.

Anagramma.

IOANNES-DE L'AVBESPINE.

EN SALVE IN BONA SPE DEI.

Romulus obtutum prudens construxit Asylum
 In quo pacificus perfidus hostis erat.

Et facta Romanæ patet anchora porta salutis,

Quâ nihil in toto dulcius orbe fuit.

En bona spes Christi, semper cui credere tutum est;

Fac precor ut valeas in bonitate Dei.

E. T.

Anagramma.

MARTINVS DE RACINE.
IN TERRA DEVM CANIS.

Tot tibi quot Iano frontes, tot lumina monstras,
Bina tibi facies, oraque bina tibi.¹
Circumspectus homo transacta, futuraque calles,
Et quæ sunt alijs abditiora vides.
Quid maius? pietate viges populoque furenti
Concinis in terra corde patente Deum,

E. T.

Anagramma.

MICHAEL VIOLEVS.

HIC MELIVS VALEO. 7

FOrneri Themidis rector, Nemesisque Triputi,
 Blandaue sacrifici turba valet chorī.
 Invida turbatos senio mors claudit ocellos,
 Me simul auriferis cedere cogit aquis.
 Hic melius valeo, superas mens incolit arces,
 Quippe fruor votis celsa per astra pijs.

E. T.

Anagramma.

CAROLVS FOVGVS.

OCVLVS FVBA REGO.

CAssius infano condit sub corde tumultus,
 Cæcus & attonita sæuit in vrbe furor.
 Regis Dulichij, periurique arte Sinonis
 Troia iacet, miles victor & arma canit.
 At Sol iustitiæ confusa negotia recto
 Corde rego, & vera religione regor.

E. T.

Anagramma.

IOANNES VALLETIVS.

SOL ES, ET LVNA IN VIA.

Sol regit æthereos cursus, camposque patentes
 Cynthia nocturnis Luna pererrat equis.
 Omnia Sole micant, Luna flectuntur amores,
 Terra parit flores, flos sine Sole perit.
 Denique Sol vitam nobis dat, Luna quietem,
 In media luces Lunaque, Solque via.

E. T

Anagramma.

VGO BVRLARTIVS.

VVLGVS RORABIT.

N Illus vt irrorat septeno gurgite campos,
Rorabit doctor vulgus amore Dei.

E. T.

Anagramma.

ANTONIVS DESVOS.

Ô DEVS INTVS SANO.

F Loruit Euphorbus medicæ pulcherrimus artis,
In quo spes vitæ, non via mortis erat.
Intus sancta cano Christi præcepta tonantis.
O firma sano religione Deus.

E. T.

Anagramma.

DIONISIUS BOCHERIVS:
HEROS BIS VINDICØ IVS.

Sive tuos mirer præstantes corporis artus,
Seu virtute tuum pectus, & arte sacrum.
Protinus exclamo: ius sanctum vindicat heros,
Et docet altisoni iussa sequenda Dei,
Ergo age purus eris doctor, dum vita manebit,
Terra teget corpus, spiritus astra petet.

E. T.

B

Anagramma.

CAROLVS DE LA SAVSAIE.
 Ô SALVE CARA DEI VIRTVS.

Roma triumphales Torquato principe lauros
 Iactat, & effusis hostibus ardet amor.
 Romanæ verax salve pietatis imago,
 O salve virtus cara, vel aura Dei.
 Iamiam Phœbea perlustras lampade terras,
 Puraque deuotis concinis astra choris.

E. T.

Anagramma.

MAVRICIVS HILARETVS:

Hic VIRTVS MIRA SALVE.

HEu meus in medijs Palinurus mergitur vndis,
 Qui cita per rapidas vela regebat aquas.
 Qui toties pressit diuino afflatus amore
 Hæreticos, fœdi Dæmonis omne genus.
 Salve hîc mira Dei virtus, sedesque beatas
 Enumera populo, doct̃or amice, tuo.

E. T.

Anagramma.

PETRVS DE AMORE.

AMOR RYDES PETE.

LAus in amore mori: Pylades veneratur Orestem,
 Pungit & Aencam fidus Achatis amor.
 At tibi secretos Deus impartitur amores,
 Ut doceas molles, & sine lege viros.
 Perge igitur superos blando sermone fateri,
 Ne titubent cauta Dæmonis arte rudes.

E. T.

Anagramma.

NICOLAVS DE AIRE.

SOL DEI IVRA CANE.

Quidquid in orbe vides de^o occupat ordine recto,
 Et manet æthereo subdita terra polo.
 Nitere clara tuos ad sydera tollere vultus,
 Denique iura Dei Sol veneranda cane.

E. T.

Anagramma.

FRANCISCVS IAMETIVS.

FIRMATVS CIVIS CANES.

Tergemini quondam vixit concordia fratris,
 Enituit pietas mutua, & vnus amor.
 Romano cultu tangis præconia laudum,
 Et superas præcos nobilitate Deos.
 Viue igitur fœlix vir, terque quaterque beatus:
 Nam benè firmatus ciuis in vrbe canes.

E. T.

Anagramma.

PETRVS BRIERES.

REBVS REPERTIS.

Colligit Aeneas ramos in valle reducta,
 Quis stygias aperit docta Sibylla vias.
 Aurea Thessalicus perquirat vellera princeps,
 Quippe magæ gaudet Colchidis igne mori.
 Iustitiæ flores, rebus tu ritè repertis,
 Carpe manu, fausto numine nomen erit.
 E. T.

Anagramma.

PETRVS FOUGEVS.

TV SVPEROS FVGE.

Bellerophon tetauit eques cōscendere Olympum,
 Atque Giganteo more mouere Deos.
 Fluctiuomo Xerxes Neptuno vincula fixit
 Classibus insolitum cum renouaret iter.
 Desine Pegaseis circumdare sydera pennis,
 Denique tu superos effuge, tutus eris.

E. T.

Anagramma.

LAVRENTIVS MOREAV.

LAVREVS VENIT AMOR.

A Mphion cecinit Thebanæ conditor arcis,
 Et blanda mouit concaua saxa prece.
 Omnibus arridet cytharæ pulsator Apollo,
 Flectit & Aonijs numina sancta sonis.
 Cantibus extollo superûm delubra Deorum;
 Laureus vnde mihi contigit intus amor.

E. T.

Anagramma.

ANTONIVS COCHERIVS.

EN CHARVS CIVIS TONO.

Porceus insignis cythara, cantuque fluenti
 Annua lætatur festa sonare Iouis.
 En fixo meditor Christi miracula sensu,
 Et charus civis cantica sancta tono.

E. T.

Anagramma.

NICOLAUS GVIETIVS.

SIC ANGELVS VIVITO.

Qui miranda sapit nimium secreta Deorum,
 Sæpius obscuris corpus obumbrat aquis.
 Noli altum sapere, at sceleris ter purus, & vnus
 Angelus in terris viuito, sanctus eris.

E. T.

Anagramma.


CAROLVS ARAVLTIVS.

CLARVS LAVRO VATIS.

VT Danaï tumulū admirans rex magnus Achillis,
 Fœlicem dixit conditione virum.
 Accidit hoc fati, & Achæi carmine Homeri,
 Principe sic vates dignus amante fuit.
 Laurea ferta geris, perdulcia carmina cantas,
 Quid! clarus lauro vatis, & arte micas.

E. T.

C



Anagramma.

IOHANNES ROBERTVS.

HEROS IN ORBE NATVS.

Dogmata Cuiaci viuent dum fata manebunt,
 Legibus æternus semper Iason erit.
 Bartholus auratas continget iure coronas,
 Baldus & eloquio clara trophæa feret.
 At tu par superis, iuris, legumque peritus,
 Immensoque heros natus in orbe manes.

E. T.

Anagramma.

GVLIELMVS FORNERIVS.
FRONS IVRIS, VEL LEGVM.

DOnec erunt leges, dum dicet iura Senatus,
Ingenium tota viuet in vrbe tuum.
Viuet & æternum, clari viuctis honores,
Dum Ligeris tacitas in mare fundet aquas.
Frons iuris, legumque viges frons cincta coronis,
Quas facer è folijs texit Apollo suis.
Nec prius exanimis Doctør tua fama peribit
Arida quàm capiti frons tua laurus erit.

E. T.

Anagramma.

HIERONIMVS LVILIERIVS.

VENI HEROS, LILIVM IVRIS.

Magnus Alexander rebus foeliciter actis
 Terrifici tetigit regna superba Iouis.
 In te prisca fides, pietas insignis, & omni
 Labe carens animus, nobilitasque viget.
 Pandectas calles, & nodos Codicis, vnde
 Apta tuo capiti lilia iuris habes.

E. T.

Anagramma.

RADVLPHVS FORNERIVS.
I PRVDENS LAVRVS FORI.

L Aurea Mæonij cantantur carmina Homeri,
 Floret & Ausonij nobile vatis opus.
 Præcingunt Musæ viridanti tempora lauro,
 Quam Daphne campis laudat in Elysijs.
 Viuis at æquarum cultor sanctissime legum;
 Nunc prudens laurus, palmaque grata fori.

E. T.

Anagramma.

GVLIELMVS CARTERIVS.

RE VIGIL ET CLARVS SVM.

ARgus fulgebat centeno lumine cinctus,
 Atque vagæ custos virginis Argus erat.
 Quem Iouis imperio ferijt Cyllenia proles,
 Et Phlegetonthæos preffit adire lacus.
 Re vigil, & clarus sum certis laudibus Argus,
 Fulget & eximia lege paratus honor.

E. T.

Anagramma.

GVLIELMVS CARTERIVS.

MYRVS LEGIS VI CLARET.

CIuica Romanus filet inter proelia rhetor,
 Et manet occlusum Marte tonante forum.
 At populo legis ui murus aheneus esto:
 Sic Mars exul erit lege regente Deus.

E. T.

Anagramma.

IOANNES LALANDIVS.
EN LILIA SANVS DONA.

HVmano Galli Teutatem sanguine placant,
Minoi maētant corpora viua duci
Agricolæ imponunt sacratīs munera tēplis,
Et spargunt tenera spīcea ferta manu.
Lilia magnifico sanus pro munere doctor
Elargire, Deus sic tibi gratus erit.

E. T.

Anagramma.

IOANNES MONETIVS.

Ô IANE INTVS MONES.

CHarondas Thurius certis fundavit Athenas
 Legibus, antiquo vivere more dedit.
 Nec tulit in medio Vulcania tela teatro;
 At procul armatos iussit abire viros.
 Intus Iane mones, claros acquiris honores
 Legibus, & nostra Ianus in vrbe manes.

E. T.

D



Anagramma.

PETRVS FOVGEVS DESCVRES.
VECTVS DEVS SPERO FRVGES.

Romulus enituit Romanæ gentis origo,
Et colitur purus celsa per astra Deus.
Iam me consultum florens Aurélia Ianum
Detinet amplexu, me quoque laudat amor.
Iure bifrons igitur viuam per sæcula Ianus;
Nam spero fruges vectus ad astra Deus.

E. T.

Anagramme.

PIERRE FOVGEV DESCVRES.
DV IVGE SERES PVRE FORCE.

Vous ressemblés au bois qui brûle en son escorce,
Après l'obscurité vous donnez la clairté:
Mon espoir est en vous, & croy sans cruauté,
Que du Iuge serez le rempart, & la force.

E. T.

Anagramma.

IACOBVS - NAV.

SVB VIA CANO.

D Vleibus Æneam monitis Amphryfia vates
 Compulit horrendos irremeare lacus.
 Quó daret Anchisæ recubanti grata sub vmbriis
 Oscula, quó blandus manibus esset amor.
 Siccine fatidico perflatus munere reddis
 Sub cœlo cantus, atque patente via?

E. T.

Anagramma.

NICOLAVS HANAPIERIVS.
 HINC LAVS INVISA PAREO.

Littera Pythagoræ viuacis præscia laudis
 Dicitur, & sæui lata figura mali.
 Hac duce Parnassi contingit culmina vates,
 Æquè alitur vitijs imperiosus amor.
 Laus inuisa vocor, superis laus digna coronis
 Quæ manet in cunctis certa, tenæque locis.

E. T.

Anagramma.

GVLIELMVS BEAVHEARNOIS.

EVENI, GLORIAM HABES LVSV.

INter pastores Cyrus rex sorte creatus
 Instituit leges, quas violare nefas.
 Veni Sol mundi, regis mens sana tonantis,
 Præsidium patriæ, spesque, salusque meæ.
 Vicisti, niuea præcinges tempora vitta,
 Atque tua dignus laude triumphus erit.

E. T.

Anagramma.

PETRVS BAVDETIVS.

TVTIVS DE SVPERBIA.

M Arsyæ præclarus cythara, fidibusque canoris
 Nititur intonso bella parare Deo.
 Excoriatus abit demens, & victor Apollo
 Obijcit insanis membra pudenda feris.
 At tutus medio, veros percurris honores,
 Et positis certas finibus addis opes.

E. T.

Anagramma.

ERVETIVS LAMYRAVLT.

VIRTVS ME LEVAT LYRA.

O Rpheus Euridicem cantando nouit amicam,
 Et gelidas cythara fretus adiuit aquas.
 At me cogit amor superas euadere ad auras,
 Æthereisque frui rege regente bonis.
Omnia grata simul nascenti fata dedere,
 Me leuat & virtus imperiosa lyra.

E. T.

Anagramma.

PETRVS DAVREVS:

PVRVS ARTE DEVS.

HEu Glaucus piscator erat, qui molliter herba
 Gustata, factus creditur esse Deus.
 Motaque Neptuni luctantibus æquora ventis
 Rexit in hybernas præcipitatus aquas.
 Regius intus amor spargit clarissima mundi
 Lumina, perfulget, purus & arte Deus.

E. T.

E

Anagramma.

IOHANNES LELETERIVS.
E VITA LENI LENIS HEROS.

EXitus acta probat: sancti viguere Catones,
Et grauibus victi non timuere malis.
Rebus at in dubijs semper fuit æqua potestas,
Suntque graues vita, morte minante pares,
Evita leni sum prudens, lenis & heros,
Dein mea sunt Paphijs tempora cincta rosis.

E. T.

1 6

2 1 72

3 124

4 1 1

5 1 1

6 1 1

7 1 1

8 1 1

9 1 1

Anagramma.

LODOICVS ALEALMVS.

SOLEM VI COLLAVDAS.

S Myrnæus sæuum Pelidem cantat Homerus,
 Et memorat doctis Martia castra sonis.
 Jam vi collaudas Solem, totamque per urbem
 Ducis Apollinea parta trophæa manu.
Eia age Solis amor, Phœbi gratissima laurus,
 Sole micas, lauro tempora cincta geris.

E. T.

Anagramma.

EGIDIUS ALEALMVS.

DEVS ALMA VI LEGIS.

Ægyptus Pharium semper veneratur Ofirim,
 Cornigerūque bouē barbara Méphis amat.
 Hic docuit teneræ committere semina terræ,
 Et Cereris flauam' cædere falce comam.
 Tu Deus in terris vi legis diceris alma,
 Nos quoque Saturni viuere more doces.

E. T.

Anagramma.

FRANCISCVS BEAVHEARNOIS.
EN FABIVS CHARVS ORE CANIS.

Romanis Fabius cunctando restituit rem,
Et lenta Pœnos subdidit arte leues.
Gramineam fertur finito Marte corollam
Romanos læta contribuiffe manu.
Nunc te consultum florens Aurelia clamat,
Quód tua sit longo tempore nota fides.
Quid maius? populum iuris compescis habena,
En Fabius lepido charus & ore canis.

E. T.

Anagramma.

IOANNES · MARIVS ·

EN IANVS AMORIS.

Iane bifrons varios Martis compesce furores,
 Sit precor & templi ianua clausa tui.
 Maetabit lectas solito de more bidentes,
 Te canet & magnum turba iocosa Deum.
Quid? nouus é cœlo descendit Ianus amoris,
 Quem recolam donec spiritus vllus erit.

E. T.

Anagramma.

IVLIVS TIBALIERIVS.

VIR BEATVS, VIS LILII.

Angelus æthereo demisit lilia cœlo,
 Quæ sunt Francorū stemmata vera ducum.
 Lilia iustitiæ sunt candida signa severæ,
 Lilia sunt castæ sceptrâ pudicitia.
 Denique cana tuæ sunt lilia præmia laudis:
 Qui tenet hæc Iudex, nûm Deus intus erit?

E. T.

Anagramma.

LEONARDVS BERGERIVS.

EN RES LAVDIBVS REGOR.

VT natum Thomiris bello regina peremptum
 Non plorat, Cyrum sed violenter agit.
 En res perduras, quæ mentem turbine versant,
 Sed meus in pondus iure resurgit amor.
 Laudibus inde regor Iudex spectante Senatu:
 O fœlix licitis qui petit astra modis.

E. T.

F

Anagramma.

IOACHINVS GERVASIVS.

HIC IANVS VIVOS REGAS.

Quæsitur Minos auidis in faucibus Orci
 Præfidet, & monitis vrna mouenda datur.
 Iustitiæ rector, Christi memor esto tonantis,
 Nec tua sit cupidis vita petita bonis.
 Crede reges Ianus viuos sine crimine reges,
 Semper Agenorides & Rhadamanthus eris.

E. T.


Anagramma.

MICHAEL OMMANVS.

I N V M A M E L O M I O A S .

VT Numa bellorū cupidus, quoque pacis amator,
 Reddidit attonitis integra iura reis.
Construxit Iani templum, Vestæque rotundum,
 In quo perpetuus legibus ignis erat,
Sic Numa fatidico polles sermone beatus,
 Atque tuo resonant regia tecta melo.

E. T.



Anagramma.

GERMANVS REBOVRTIVS.

VT VIR MORES GVBERNAS.

QVale erat Actæi decus immortale Solonis,
 Et Lacedemonius quale Lycurgus habet.
 Tale fuit lumen Prætoris, nomen, & omen,
 Et pia cum sacra religione fides.
 Ergo age diuinos tanges virtute triumphos:
 Nam populi mores vir regis, atque premis.

E. T.

Anagramma.

GABRIEL HALEMANVS.

AH NYMA BELLA GERIS.

CEdant arma togæ iamiam funesta nitenti,
 Mars pereat viuus, rideat vnus amor.

Quinetiam clypei dominus sepremplicis Ajax
 Reddat Dulichio laurea scepra duci.

Ah Numa bella geris, pro legibus arma peroptas,
 Denique Mauortis murmure iura silent.

E. T.

Anagramma.

IOANNES CARDINETIVS.
EN INSANOS TER IVDICA.

Æ Acus vmbrosis Iudex veneratur in vndis,
Sollicitosque premit pœna luenda reos.
Tu regis imperium, iustæque ad pondera lancis
Das populo, Prætor, candida iura tuo.
Quid magis insanos punis, subigisque fateri
Crimina, perge, reis Æacus alter eris.

E. T.

Anagramma.

ERVETIVS GVIMONTIVS.
 VOTVM REGIS VIVENTIS.

A Vgustus Cæsar bello vexatus, & annis,
 Supplicibus votis placat in æde Deos.
 Scipiadam vires, fortunam Cæsaris, atque
 Pompæi vultum, qui bené gratus, amat.
 Regis habes votum viuentis, & omnia certo
 Fine regis, Vindex, quid modó maius erit?

E. T.

... ..

G

Anagramma.

INNOCENTIVS MOIREAV.

MORS IEIVNA VNI NOCET.

T Antalus in medijs sitiens submergitur vndis;
 Optato Phrygius disperit ære Mydas;
 Virgo monile petit Tatij Tarpeia regis;
 Et miser auriferas quærit Achæus aquas.
 Heu tibi ne noceat iam mors ieiuna, caueto:
 Nam veniunt læthi mille repenté viæ.

E. T.

Anagramma.

MAVRICIUS EGROT.
COR REGIVM VATIS.

Amphilochns dubijs Argiuos vocibus angit,
 Reddit & obscuros casta Sibylla sonos.
 Troianos monuit passis Cassandra capillis,
 Mopsus Apollinea clarus in arte fuit.
Quid miror? canis ambages, das signa futuri,
 Denique cor memoris nobile vatis habes.

E. T.

Anagramma.

CHRISTOPHORVS BINDEVS.

HIC PROBVS REOS TVNDIS.

Perfidus vt Phalaris violenti membra Perilli
 Torruit, vt tauros arte Perillus agit.
 Vt fera Nicocreon renouat tormenta tyrannus,
 Quæ patitur sapiens, & bené sanus amor.
 Ecce reos probus híc tundis, Minosque feuerus
 Opprimis hostiles lege micante dolos.

E. T.

Anagramma.

CLAVDIVS DE FAI.

I, FAC LAVDDES DIV.

A Vrea diuini superas præcepta Platonis,
 Certaue virginei signa pudoris habes.
 Ingenio polles, morum candore probaris,
 Eloquio clarus, iustitiaque tumes.
 Ergo diu fac laudes, post tua fata nepotes
 Completa insigni laude trophæa canent.

E. T.

Anagramma.

NICOLAVS DE GIVES.
EGENOS LVCIS AVDI.

A Nchifes claro concassus lumine mundi,
Implorat Venerem forte negante Deam.
Tyresias etiam vates, cui lumen ademptum,
Iunonem precibus flectere posse putat.
Sed frustra varijs compungunt pectora curis,
Nam Deus irata non capit aure preces.
Audi igitur fontes miseros, & lucis egenos,
Immortale tuum nomen, & omen erit.

E. T.

Anagramma.

IOANNES MAINFERMVS.

Ô IANE FIRMVS MANES.

PYrithoum Theseus stygijs adamavit in vmbrijs,
 Herculeæ Alcestis Thessala vixit ope.
 Pythia Damonem coluit, Patroclus Achillem,
 Quippe fuit socio laus in amore mori.
 Rebus Iane manes firmus, modó firmiter hæres
Iustitiæ, lauro quam Deus ornat amor.

E. T.

Anagramma.

LEO TRIPVTIVS.

PIVS LETO RVIT.

VT Lacedemonius Chilo sine vulnere, risu
 Immodico stygias cœpit adire vias.
 Et fatis perijt, dum tempora cincta coronis
 Ornaret natus nobilitate potens.
 Ah pius occubuit lætho; pro principe, consul,
 Quem populus mœstis duxit ad astra fonis.

E. T.

Anagramma.

IOANNES DE SEVLI.
SOL DEI SANE VENI.

M Anlius ingenti fortes munimine Gallos
Expulit, occultis consuluitque dolis.
Exitit antiquis Aurelia perdita rixis,
Quæ manet auxilio tuta repenté tuo.
Lampas clara Dei venias, sacra tempora lectis
Ornabo fertis, & tibi carmen agam. .

E. T.

H

Anagramma.

CAROLVS BRACHETIVS.)

VT CLARIS CHARVS BEO.

PHœbus vt ardenti collustrat lampade terras,
 Vt Thetis in longas est patefacta vias.
 Flava Ceres fructus magno cum fœnore reddit,
 Vdaque labenti flumine prata virent.
 Sic puer vrit amor, sic nobis dulcia rident
 Oseula, sic claris charus in vrbe beo.

E. T.

Anagramma.

CAROLVS COLLOMBEVS..

SOL CLARVS LOCVM BEO.

VT Romana salus perijt Cicerone perempto,
 Et tacuit latij fama, decusque soli.
 Sole meo viuax Aurelia, Sole Senatus,
 Sole meo ridet deliciosus amor.
 Palladios rutilo circumdo lumine fontes,
 Atque locum clarus Sol sine fine beo.

E. T.

Anagramma.

GVLIELMVS CHALEVS.

HÍC LAVS LVEM LVGES.

IN tepidis Minos finiuit sæculá thermis,
 Quem Cocalus misero iussit obire modo.
 Damnata & fœdis Fœlicula virgo lacunis
 Vulnera pro Christo sanguinolenta tulit.
 Híc laus sana luem lugens pallentis Auerni,
 Qui lacus impuro plenus odore fuit.

E. T.

Anagramma.

IACOBVS DAMIMNVS.

MVNVS DABIS AMICO.

NYsus vt Euryalum sociali fœdere iungit,
 Tyndaridem Pollux Castora frater amat.
 Hoppleus inuictò constringit amore Dimanta,
 Et Marius Casprum, quem redamasse ferunt.
 Sic dabis oppresso pergratum munus amico;
 Nam fit in aduersis rebus apertus amor.

E. T.

Anagramma.

LIPHARDVS PICOTEVS.

AH SOL CVPIDVS PERIT.

Antiquæ flebant nascentia corpora matres,
 Mœstus & in nulla sede manebat amor.
 Mortua reddebant terræ plaudente Senatu,
 Denique per populum nil nisi risus erat.
 Ah Sol candidulos tenebris submittit ocellos,
 In nostra cupidus Sol simul vrbe perit.

E. T.

Anagramma.

IASPARDVS DAMSEPERONIVS.

SAPIENS SVPER ARDVA MODIS.

I Carus aerijs voluit malé credere pennis,
 Difficiles Phaethon flectere Solis equqs.
 Fœlici sapiens tendis super ardua cursu,
 Assiduisque petis tecta beata modis.
 Est modus in rebus, quem quis contemnit, & odit,
 In Phlegetonthæas præcipitatur aquas.

E. T.

Anagramma.

CHRISTOPHORVS VILEDAMNEVS.

HEN SOL PIVS TER AMICVS DVRO.

R Ebus in angustis fidus monstratur amicus,
 · Perfidus optatam qui negat alter opem.
At Biton, & Cleobis fratres, quos sæcula laudant,
 Mutua materno colla dedere iugo.
Sol pius æterno ter amicus fœdere duro,
 Et manet in terris intemerata fides.

E. T.

Anagramma.

ISAAC ROBERTVS.

SORS CVRA BEATI.

Miraris nummos, atque horrida fercula posse
 Cóiungi, facile est, rege Agathocle loquor.
 Non est mirandum, Iudex, Sors omnia versat,
 Erranti spargit munera cæca manu.
 Denique læta manet, vultus modó sumit acerbos;
 Sors tamen est iusti cura, salusque viri.

E. T.

I

Anagramma.

PETRVS BEAVIEVS.

PERBEATVS VIVES.

Longæus vixit Nestor, fidusque potentis
 Bella Mycenæi rexit, & auxit opes.
 Troia superba fuit florentibus Hectoris annis,
 Græcia prostrato tristis Achille ruit.
 Iane precor valeas, bené viuas tempore in omni:
 Aurea Saturni sæcula regis erunt.

E. T.

Anagramma.

LODOICVS FOVET.

SEVO DICTO FLVO.

L Audatur grauitas docti matura Catonis,
 Et rigidus celebri Crassus honore micat.
 Ambo sub occultis clauferunt sæcula fati,
 Viribus, eloquio, iustitiaque pares,
 Ecce fluo sæuo per rauca palatia dicto,
 Tunc regnante nouus consule surgit honor.

E. T.

Anagramma.

STEPHANVS IACQVETIVS.

HEV QVIS TE SANVS CAPIT.

CAllidus Euclides doctas migravit Athenas,
 Vt bené Socratico disceret ore loqui.
 Pythagoras Persas adiit, Cretamque reuifit,
 Vt caneret mores, fydereosque polos.
 Heu quis sanus te capit, & sub corde volutat
 Ingenij dotes, quas modó consul habes?

E. T.

Anagramma.

LVDQVICVS CALARTIVS.

VT CIVIS CLARVS LAVDO.

THebanus Crates argenti pondus, & auri
 In mare deiecit, deposuitque iocos.
Quó magis hæreret studijs, & rebus honestis,
 Dein sibi lauriferas conciliaret opes.
Vt clarus ciuis semper pia numina laudo,
 Iustitiam redamat mens, vitiumque fugit.
E. T.

Anagramma.

IOANNES PREVOTIVS.

VIR SANVS OPE NITEO.

Democritus miseræ deridet gaudia vitæ,
 Heraclitus plorat quidquid avarus amat.
 Gestit & æternæ vestigia quærere laudis:
 Nam bona fortunæ deteriora cadunt.
 Vir sanus meritis niteo, populumque rebellem
 Inseruire pijs legibus intus ago.

E. T.

Anagramma.

ROBERTVS MARTINVS.

TERROR SANVM SVBIT.

TAurea Campanus Romano infestus Afello
 Intrauit Capuam præcipitante metu,
 Herculis atque Lycas cupiens vitare furores,
 Non potuit forti rumpere fata manu.
Nil mirare magis, validos timor occupat artus,
 Et terror sanum gaudet habere virum.

E. T.

Anagramma.

VINCENTIVS SERGENT.

EN VIRTVS TE CINGENS.

Æneas domuit Turnum virtute potentem,
 Vouit & horrifonis membra cruenta vadis,
 Clarus es ingenio, dulci probitate coruscas,
 Ingenua morum dexteritate vales.
 Legiferum tarda superas grauitate Lycurgum,
 En virtus cingens te simul astra petit.

E. T.

Anagramma.

ANTONIUS GIVESIVS.

Ô IANVS INTVS VIGES.

Z Aleucus statuit leges, quas sensit acerbas
 Damnatuſ natus crimine adulterij.
Riphæus vixit quoque ſeruantiffimus æ qui,
 Quo duce non Graio Troia ſub hoſte fuit.
Aſpera bella canis, daſ pacis fructibus vti,
 Pace viges Ianuſ, Marte tonante Deuſ.

E. T.

K

Anagramma.

ANTONIVS ALLEGO.

LINGVA LATE SONO.

Archelaus summo rex est complexus amore
 Euripidem, numeris credidit atque suis.
 Aurea fatidico donauit pocula vati,
 Fertur. & hunc dignis constituiffe locis:
 Te iuris cupidum populosa Aurelia cantat,
 Clarior & lingua vir Cicerone sonas.

E. T.

*Anagramma.***IACOBVS CHAILLEVS.****HIC AB OCVLIS VALES.**

Lynceus ardenti penetrabat lumine muros,
Æquè oculis centum nobilis Argus erat.
Bellatrix Aquila, aut serpens Epidaurius, omnes
Lucenti superat sydere Solis equos.
Lampade iustitiæ cogis secreta fateri,
Et vultu vindex candidiore vales.

E. T.

Anagramma.

CLAVDIVS BARBEDORT.

ARBQR DVLCESVDABIT.

MYrthus habet succos, syrio frondescit odore,
 Et Myrtho gaudet deliciosa Venus.
 Semper oliua fuit Phrygiæ pergrata Mineruæ,
 Spirat & Arcadio pinus amata Deo.
 Te modó myrrha sapit, dulcis sudabit & arbor,
 Arbor odoriferis æquiparanda rosis.

E. T.

Anagramma.

HENRICVS DE PICHERY.

PYRRHE VINCIS, CEDE.

PYrrhe hostes vincis, Romanis cede fugatis;
 Cedendo victis victor abire solet.
 Lyfimachum bello domitum Dromogheres abire
 Illæsum iussit, iussit & vnus amor.
 Iudex da miseris magnam sperare salutem:
 Nunc tua parendo gloria maior erit.

E. T.

Anagramma.

IACOBVS POITRINES.

BIS PIETAS INVOCOR.

Dicitur insignis pietate Ciconia dulci,
 Quód foueat pullos, pignora grata, suos.
 Reddidit Amphinomus perdebita munera matri,
 Vastataque senem sustulit vrbe patrem.
 Inuocor híc pietas, & mutua cura parentum;
 Nam foueo senio corpora fessa graui.

E. T.

Anagramma.

IACOBVS MAVBERTIVS.

BIAS IVS BEATVM CVRO.

CAmbyfes crudelis erat, tamen omine fausto
 Iustitiam coluit, nec coluisse fuit.
 Iudicis abstractam pellem coniungere sellæ
 Iussit, in hac natus ferret vt æqua reis.
Crede Bias recto ius sanctum pondere curo,
 Et ducor patriæ consul amore meæ.

E. T.

Anagramma.

IACOBVS ROBERTVS.

BEATOS VRBIS CVRO.

C Aligulæ votum fuit exitiale tyranni,
 Ingenium, mala mens, & vitiosus amor,
 Romanis simul optavit caput impius vnum,
 Quó facili rueret Roma superba manu.
 At melior Iudex confusa negotia tracto,
 Quin curo ciues vrbis, & astra cano,

E. T.

Anagramma.

FRANCISCVS MARIVS.

FIRMVS CVRAS CANIS.

DVm regimur certa naturæ lege, beatus
 Nemo potest dici, teste Solone loquor.
 Nostra per aduersas agitur breuis hora procellas,
 Et flos vernalis, qui fuit ante, perit.
 Sic firmus curas canis auxiliante Solone,
 Diuitias Cræsi, deliciasque fugis.

E. T.

L

Anagramma.

HENRICVS. FORNERIVS.
HEN CVRSVS IN RE FORI.

A Vrea Mercurius pedibus talaria neſcit,
Vt leuiter peragat iuſſa verenda Iouis.
Cuique ſuum reddis, tibi dat Rhamnusia laudes,
Diceris & cupida curſus in arte fori.

E. T.

Anagramma.

CAROLVS VILEDAMNEVS.

LVCE SANA MELIVS DVRO.

CÆcus abit Thamyra victus dulcedine cantus
 Musarum, & Thamiæ lumina fata negant.
 Hic melius duro ter sana luce beatus:

Nam recolo Musas, quas mihi donat amor.

E. T.

Anagramma.

FRANCISCVS PAIREDOVS.

DECVS FORI SVpra CANIS.

TErpino placuit cantu seruire Neroni,
 Et tenui offensos flectere voce Deos.
 Laurea contingis Musarum culmina cursu,
 Et decus arte fori nobiliore canis.

E. T.

Anagramma.

FRANCISCVS CHEN·V.

NVNC CIVIS FAC RES.

DVm Porfenna parat romanã extinguere gẽtem,
 Et dare seruili colla premenda iugo.
 Insurgit validis præcinctus Horatius armis,
 Pulsat & hostiles Marte furente duces.
 Nunc ciuis fac res, patriæ succurre cadenti,
 Et pontem serua robore, Coeles eris.

E. T.

Anagramma.

IACOBVS DVCHONIVS:
HVC NOVVS BIAS DICO.

Q Væritis vnde Bias capta fidenter in vrbe
Rideat, Attalicas sub pede temnat opes?
Quid modó fortunæ telis confixus acutis
Virtutem captet, diuitiasque premat?
Húc nouus ore Bias per amica silentia dico,
Displicet alma Venus, lex mihi sola placet.

E. T.

Anagramma,

ROBERTVS VBERTVS.
REBVS TVTOR VRBES.

Salue Sol mundi, terrarum lumen, & vrbis,
 Salue laus animi deliciofa mei.
 Salue Menaliæ decus immortale Dianæ,
 Salue Leucadij Laurus opima Dei.
 Denique Castalidum falve tutela Sororum;
 Vrbes tutaris rebus, & ore viros.

E. T.

Anagramma.

CLAVDIVS: ROBINEAV.

IN VRBE VIAS CLAYDO.

Legibus armari, decorari fortibus armis,
 Hæc sunt sceptræ mei regis, & arma dueis.
 Impositis Cæsar firmavit legibus vrbes,
 Subdidit & latium sedulitate solum.
 At pacis, bellique nouo regnante tumultu,
 Obscuras claudio semper in vrbe vias.

E. T.

Anagramma.

ROBERTVS BVGEVS.

SVB REBVS TVRGEO.

VT leue ventosis agitatedum fluctibus æquor
 Nauta Charon vigili callidus arte timet.
 Sic cupidam torquent spinosa negotia mentem,
 Postmodó mellitus fructus adesse solet.
 Vtque sibi oppositum pontem indignatur Araxes,
 Sic virtute potens pondera dura premis.

E. T.

M



Anagramma.

CAROLVS NORISSONIVS.

CLARVS SONIS IVS ORNO.

Semper Aristides vir seruantissimus æqui
 Vixit, Athenarum laus quoque prima fuit.
 Clarus reddo sonis ius sanctum, laudibus orno,
 Iudice me dignus condecoratur honor.
 Quid melius? nostris Aurelia clara resurgit
 Moribus, vnde pius celsa per astra vehor.

E. T.

Anagramma.

FRANCISCVS NORISSONIVS.
SANE CORONIS FINIS CVRSVS.

A Vrea, muralis, castrensis, ciuica, oualis,
Atque triumphalis, crede, corona fuit.
Has tibi diuino largitur iure coronas
Phœbus, & Assyrio spargit odore comas.
Quin vitæ cursus finis sine labe coronis
• Consul, & in terris sceptrâ paterna tenes.

E. T.

Anagramma.

STEPHANVS DVRANDVS.
 NVDVS SAPIENS DVRAT.

PAupere Protagoras contentus forte canoris
 Incubuit Musis, clarus & arte fuit.
 Demonacis virtus paruo fundata paratu
 Duxit ad æthereos facta canenda polos.
 Sic nudus sapiens durat, durabit & intus
 Nudus amor, fuluas dum vehet Hermus aquas.

E. T.

Anagramma.

• MICHAEL SAPIENS.

EN MEL HIC SAPIAS.

M Ella sapit Nestor, facundum Nestora vincis,
 Melle fuit Nestor, Palladis arte nites.
 Iudice te nostros Aurēlia iactat amores,
 Græcia Nestoreis floruit aucta modis.
 Hunc Agamemnonios fama est docuisse labores,
 Te mea iuridicum Calliopea canit.

E. T.

Anagramma.

CAROLVS BINDEVS.

BONVS DIV CLARES.

A Ntigonus natum bæulo percussit ouantem,
 Abscissum Pyrrhi fleuit & ense caput;
 Iure tulit Cæsar laceratam carmine famam,
 Pytholai fertur nec timuisse dolos.
 Vir bonus, & prudens clares virtute paterna,
 Munera largiris, reddis & æqua reis.

E. F.

Anagramma.

ROBERTVS GOVALDVS.

VT SOL SVBDVRA REGO.

Perfeus Andromedem vincla sociare iugali
 Optauit monstis, perdomitisque feris.
 Fructibus Hesperidum iactis Scheneia virgo
 Victa manet, sponsam ducit & Hippomenes,
 Sol placido subdura rego virtutis amore,
 Saevaque iustitiæ lampade monstra domo.

E. T.

Anagramma.

LAVRENTIVS DIMEVS.

DIV LAVRVM SENTIES.

ARbor laurus erat Lycio gratissima Phœbo,
 Laurus purpureis anteferenda rosis,
 Æqualis palmæ surgit tibi cognita laurus,
 Quæ quatit a Lybico fulgura missa Ioue.
Cœlestis tandem dabitur pro munere laurus,
 Sentiet & laurum frons tua læta diu.

E. T.

N

Anagramma.

PETRVS LELETIERIVS.

LIS LITES PVRE VERTE.

VT mala sunt vicina bonis, vt feruida virtus
 Pro vitio patitur crimina multa graui.
 Vt pia religio dubijs commota procellis,
 Pressaque vis palmæ pondere, firma manet.
 Vt clausus clauum trudit, sic regia longas
 Lis puré lites verte, triumphus erit.

E. T.

Anagramma.

BASILEVS DESTAS.
SALVS DITES BEAS.

LYdius auratas voluit Pactolus arenas,
Et Tagus auriferis affluit amnis aquis.
Cræsus habet nummos, sed Cræso ditior illo,
Dotibus ingenij curris ad astra tuis.
Parnassi volitas super alta cacumina montis,
Atque salus dites sorte fauente beas.

E. T.

Anagramma.

NICOLAUS CHOPINVS.

HINC PIVS OLVS CANO.

A Vrea Dentatus Samnitum munera tempfit,
 Nam placuit tepidis rapa perusta focis.
 Fabritio secura domus, non splendida regum
 Porticus arridet, lætaque rura colit.
 Dat tibi munus amor, quod donat respuis aurum,
 Raufetum cantas, te quoque pascit olus.

E. T.

Anagramma.

FRANCISCVS · MESLANDVS.

CLAMANS CVRSVS FINDES.

Sæpe solent Parthi missis gaudere sagittis,
 Et spolia effusa parta referre fuga.
 Hic clamans cursus findes, hinc robore firmo
 Agmina confundes, denique victor eris.

E. T.

Anagramma.

RENATVS MICHAEL.

HEN ALTER · AMICVS.

Candidus infestis perijt Pomponius armis,
 Viueret vt Gracchus, Sors quoq; grata foret.
 Rebus in aduersis hen nascitur alter amicus,
 Qui pro sincero gestit amore mori.

E. T.

Anagramma.

PETRVS FARIOLEVS.

LAVS FORI SVPER TE.

C Arneades virtute grauis, Chrysippus & alter
 Extitit ingenua clarus in arte fori.
 Ingenij superas viuaci flumine ciues;
 Te super & nostri laus manet ampla fori.

E. T.

Anagramma.

PETRVS PAVARTIVS.

TV PVRA SVPERASTI.

Ippiter Enceladum clamantem murmura cœlo
 Fudit, fulmineo corpus & igne ruit.
 Antæum vastas cumulanti munere vires,
 Alcides domuit, flammiferasque feras:
 Tu pura Herculei superasti scepra laboris,
 Pactolique paras, quas parit humor, opes.

E. T.



Anagramma.

FRANCISCVS MALIETIVS.

SIC FIRMVS CANIS VALET.

L Ysimacho fatis domito canis optimus hæret,
 Fidus & accensos gaudet adire rogos.
 Europæ canis est custos, cœloque locatus,
 Iure ferunt Pyrrhum condoluisse canem,
 Sic firmus canis insequeris, syluasque peragras;
 Hinc cœleste tuo nomine sydus habes.

E. T.

O

Anagramma.

PETRVS BRISONETIVS.

I, PER ROBUSTVS NITES.

Polydamas tenuit robusto corpore taurum,
 Titornus fregit scrupea saxa manu.
 Mille Phylstæos Samson sub tartara misit,
 Viribus Alcides monstra cruenta suis.
 Legibus, ingenio, præstanti pectore, & armis,
 Robustus tandem nobilitate nites.

E. T.

Anagramma.

GVLIELMVS MARTINVS.
ALMVS LVMINE SVRGIT.

CLoelia perruptis innauit flumina vinculis,
Reddidit & patriæ debita chara suæ.
Consul Apollineas percurris lumine sylvas,
Et quidquid dignum continet orbis, habes.
Quid? patriæ surgis radianti sydere Phoebus,
Et tua fit nitidis vita beata modis?

E. T.

Anagramma.

ANTONIVS VGVETIVS.

IN VOTIS AVGE NVTVS.

IN votis habuit tres Augustinus honores;
 Compositum humana voce videre Deum;
 Fulmina mittentem Paulum; Romæque triumphos;
 Quæ pergrata pio vota fuêre Deo.)
 In magnis voluisse fat est, sic firmiter auge
 In votis nutus, dulcis amice, tuos.

E. T.

Anagramma.

CAROLVS ROVSSEVS.

SOLO VSV RES CVRAS.

Dicitur in terris, nihil affuetudine maius :
 Virtus perpetuó parta labore manet.
 Tempore Pyramidum durant miracula longo,
 Artis, & artificis tempore crescit honor.
 Solo res vfu curas, syluasque per omnes
 Sylvanus meritó crederis esse Deus.

E. T.

Anagramma.

FRANCISCVS LONGVETIVS.

INGENS OCVLVS FAC RITVS.

Sola mente Deum Iudæi semper adorant,
 Chaldæi Superos sydera clara vocant.
 Phœnices Chamum magno venerantur honore,
 Et Græci libant vasa dicata Ioui.
 Fac ritus ingens oculus, modó pura capeffe
 Iussa Dei, medijs ibis ad astra vijs.

E. T.

Anagramma.

RENATVS · NOEL.

EN SOL NATURE.

Quattuor Empedocles naturas esse fatetur,
 Ex quibus immenso Phœbus in orbe rotat.
 Democriti Deus est mens ignea voce, Cleanthes.
 Æthera diuinis credidit esse Deos.
 En Sol naturæ gemmato sydere terras
Imbuis, atque tuo numina Sole regis.

E. T.

Anagramma.

CLAVDIUS GOVIERIVS:
VI LVCIS REGIVS VADO.

VT fuit æterni Pompeius lumen amoris,
Cæsar & æthereas luce paravit opes,
Aurea perfulget tenebris Aurora fugatis,
Et redit exorto lucida Sole dies.
Viuida flamma mei per terras currit amoris,
Vi lucis vado regius atque decor.

E. T.

Anagramma.

THEOPHILVS BVRI.

HEV BILIS PVTOR.

Nomine conuerso bilis commota putaris,
Sed malé cōueniens nomen, & omen habes.

E. T.

Anagramma.

ANTONIVS MARTINVS.

I, MARS INTONAT VNVS.

Bella canit miles, Vulcanus tela ministrat,
Mars tonat in terris, ignis in vrbe furit.
Corpora languescunt varijs agitata flagellis,
Et manet humano sanguine rupta fides.
Dij meliora ferant: iam iam Mars intonat vnus,
Expoliat nostros vastat, & vrit agros.

E. T.



Anagramma.

IACOBVS VASLINVS:

SALVVS INVOCABIS.

Æ Thiopes coluêre Deos, Cœlumque putarunt
 Esse Iouem Persæ, quem timuêre Deum.
 Immotos Præses Superos venerare, Deique
 Gloria sit cordi semper aperta tuo.
 Angelus optato te ducet ad æthera cursu,
 In quibus æternus leniter afflat amor.

E. T.

Anagramma.

CAROLVS VASLINVS.

LVSV LAVROS CANIS.

A Vratas meruit statuas Marcellus in æde
 Palladis, hic Gallos fregit, & Annibalem.
 Scæuola Porfennæ varios compescuit ignes,
 Vt fuit ardenti dextra cremata focò:
 Phœbus odorato decorat sua tempora ramo,
 Tu lusu lauros vaticinante canis.

E. T.

Anagramma.

GVILIELMVS POPARDINVS.

SOL SVPER PINDVM VIGILA.

Septem docta tulit sapientes Græcia, quorum
Tuta fuit sensu gens malefida graui.

Romaque Scipiadas coluit, quos Annibal hostis
Horruit armata commaculare manu.

Sol pius euigila super alta cacumina Pindi,
Musarumque nouem laurea ferta cane.

E. T.

Anagramma.

GERMANVS AVDEBERTVS.
DEVS VRBANVS ME REGAT.

IVppiter astra tenet, Neptunus præfidet, vndis,
Infernas Pluto captat auarus opes.
Sol regit immensum stillanti lumine mundum,
Me Deus urbanus deprecor ore regat.

E. T.

Anagramma.

IOANNES CABVTIVS.
IO BIAS NVTV CANES.

Permulcere Deos cantu, cytharaque Philamon
Credidit, & mœstos vertere posse sonos.
Fac mollire tuo crudelia pectora plectro:
Nutu facta Bias nobiliora canes.

E. T.

Anagramma.

PHILIPPVS · SEGONIVS.

HEVS PVPILLVS PINGES.

Formosam Venerem Cous bené pinxit Apelles,
 Ægidam pictor Paneus alter habet.
 Nicomacho placuit Proserpina rapta perito,
 Atque fuit Xeuxi dulce, racemus, opus.
 Pupillos pinges, varios fingesque colores:
Hinc tibi conueniens linea Apellis erit.

E. T.

Anagramma.

CLAVDIVS CHOUREIVS.
 HIC CLARVS DEVS VIVO.

Alcinous Deus hortorum pomaria seruat,
 Semper Aristæus rosida mella sapit.
 Ausoniam Gallis simul aduentantibus urbem
 Aium Romani percoluere Deum.
 Integer eniteo Iudex, fatisque repulsis,
 Hic clarus viuo simplicitate Deus.

E. T.

Anagramma.

NICOLAVS PERSERANTIVS.

PRECLARVS NOTIS VENIAS.

Magnus Anaxagoras audito funere nati,
 Mortalem dixit, nec doluisse ferunt.
Si fera natorum teneros mors claudat ocellos,
 Materno reddes debita membra solo.
Debemur morti nos, nostraque: deprecor ergo
 Præclarus venias, conspicuusque notis.

E. T.

Q

Anagramma.

IACOBVS PERSERANTIVS.

Ô BIAS PURVS RITE CANES.

ORpheus edocuit numeros intendere neruis,
 Demodochus cecinit, quem colit Alcinous.
 Aurata sonuit cythara crinitus Iopas,
 Atque fuit lyrica notior arte Linus.
 Inuigila semper studijs, & rebus honestis;
 Purus rité Bias facta probanda canes.

E. T.

Anagramma.

IACOBVS ROGERIVS.
REGIVS BIAS VOCOR.

A Vrea vasa Bias contentus paupere cultu
 Calcavit pedibus, supposuitque suis.
 Virtutem incoluit tantum, verosque labores,
 Lausque fuit fluidis abstinuisse bonis.
 Ecce mea virides refero virtute coronas,
 Nestoreoque Bias regius ore vocor.

E. T.

Anagramma.

EMILIVS . PENOTIVS.

PIVS MELIVS NITEO.

Conturbas populum cæco Catilina furore,
 Suggestis & patrio bella nefanda solo.
Collaudas sæuum Mæui miserande Cethegum,
 Vreris & vitijs Sardanapale tuis.
Moribus hîc melius niteo, patriosque penates
Amplector cuius conditione pius.

E. T.

Anagramma.

SIMON BOILEVEVS.

SOL VIVE BIS MONE.

Admonet infernas Phlegias mœstissimus ymbbras
 Vt Superos timeant iustitiamque colant.
 Astylus & fratres monuit, ne feruida sæuis
 Bella darent Lapythis, semiferisque viris.
 Pondera iustitiæ nostram testare per urbem,
 O Sol viue reos bis quoque lege mone.

E. T.

Anagramma.

EZECHIAS LVILIERIVS.

HIC ES VIS ZEELAVREI.

ÆSchilus æternas quæsiuit carmine laudes,
 Floruit & Lyrici docta Camœna senis.
 Castalidum virtus Musarum laurea viuis,
 Atque tuas lauro cingit Apollo comas.

E. T.



Anagramma.

GVLIELMVS · MVSSETIVS.

VT LIS SVMB VSVM LEGIS.

SI vicina tuas obscurant lumina sedes,
 Sit quoque pro claro nox odiosa die.
 Ut lis, crede foro, legis fidenter & vsum
 Sume, tuis numquam sedibus officient.

E. T.

Anagramma.

GENTIANVS DVLAURENTIVS:

EN VIR LAVDDES NVTV TANGIS.

MArcus Sæua fuit pro Cæsare primus in armis,
 Fortiter armatas sustinuitque manus.
 Egregiam bello laudem quæsiuit Aratus,
 Vicit Aristippum, rupit Aristonicum.
 Vir nutu laudes tangis consultus honestas,
 Quid? virtute graues vincis amante Deos?

E. T.

Anagramma.

IOSEPHVS MALARTINVS.
HEN SOL PIVS AMA RITVS.

CRedebat pergrande nefas Albania proles
 Condere materno corpus inane solo.
 Assyrij charos vngebant melle parentes,
 Quos Lachesis misero presserat ense mori.
 Debita funereo iam corpora iunge sepulchro;
 Hen patriæ ritus Sol pius intus ama.

E. T.

Anagramma.

FLORENTIVS ROBINETVS.

EN VIRTVS FLORET BONIS.

SIt precor hic foelix annus, tua vota secundet,
 Sorsque tibi placidis rideat vna Deis.
Consultum superes Ianum, fortesque Metellos,
 Et vincas Pylij saecula longa senis.
 Te tua progenies decoret, vereatur amicus,
 Mirenturque senes, & puer omnis amet.
Denique blandus amor verso tibi nomine dicat,
En virtus floret conspicienda bonis.

E. T.

R



Anagramma.

PASQVASIVS DVBOIS.

SVB QVO VADIS, Sapis.

A Sdrubalis nauem tenuit ter Glaucus, & audax
 Cæsaris Acilius miles & arma ruit.
 Principibus placuisse fuit propensa voluntas,
 Atque cruentato fortiter ense mori.
 Regia recta colis, modó regia iussa faceffis,
 Et sub quo vadis principe, crede, sapis.

E. T.

Anagramma.

ALTIVS GALLVS.

GALLVS LATINVS.

A Rx Romana manet crepitantibus anseris alis
 Libera, Torquato & principe surgit honor.
 Noctua Cecropijs gratissima vixit Athenis,
 Hieronis clypeo quæ fuit apta ducis.
 Extollit Gallos Aurelia nostra Latinos,
 Et vigil immenso gallus in orbe canit.

E. T.

Anagramma.

IACOBVS SAINCTONGEVS.

BONVS CIVIS SANCTE AGO.

Harpagus Astyagis violauit foedera regis,
 Laomedon certas fraude negauit opes.
 Zopyrus & gemuit lacerato corpore, tectis
 Vt Babylon rueret luxuriosa dolis.
 At bonus arguto cuius sub pectore voluo
 Mordaces curas, & bona semper ago.

E. T.

Anagrammā.

BARTOLOMEVS SEVINVS.
SVM SOLON IVRE BEATVS.

SI malefida meo faueat fortuna labori,
Hauriat arrecta Iuppiter aure preces.
In dubijs Iudex rebus succurrat agenti,
Certus & occultas reddat amicus opes.
Nil mirare, Solon sum puro iure beatus,
Fungor & officio-forte fauente meo.

E. T.

Anagramma.

NICOLAUS GVINANTIUS.
 SANVS IN CANTV VIGILO.

PRædicat mediam volucris Titania noctem,
 Charaque Latonæ sydera noscit auis,
 Falcatas tollit caudas, cristasque rubentes,
 Ut radios Solis, cui sacra, semper amet.
 Culmina virtutis flagrans meus ardor anhelat,
 In cantu vigilo fanus, & vnus amor.

E. T.

Anagramma.

PETRVS DESCLVSEVS.
 DEVS LVCE SVPERSTES.

Vluit in vmbroso Proteus mirabilis antro,
 Vertumnus verso dictus ab amne Deus.
 Transformat faciem, varios sumitque colores,
 Tum noua cæruleas forma figurat aquas.
 At Deus intus eris diuina luce superstes,
 Claraque reddetur sydere terra tuo.

E. T.

Anagramma.

IACOBVS MVNIERIVS.

VIVE BIAS, COR MVNIS.

Pittacus Alcæi laceratus carmine vatis,
 Et pressus varijs sollicitudinibus.
 Sustinuit diras patienti pectore fannas;
 Hinc regnavit amor, non simulata fides.
 Vive Bias sapiens, cor munis laudibus aptum,
 Et tua lauriferas gloria tangit opes.

E. T.

S

Anagramma.

NICOLAUS MASVERIVS.
 VERVS AMICVS IN SOLO.

Cum petit Heronis placidos Læander amores,
 Ventosis reddit pensile corpus aquis.
 Cæsar in horrifonas Rubiconis fluminis vndas
 Corruit, inque vadis viuere dulce fuit,
 Fortiter in tumidis Neptuni fluctibus vrit
 Verus amor, vasto vel Venus orta salo.

E. T.

Anagramma.

ANIANVS POIVRERIVS.

SANVS VIVO IN RE PARI.

R Utilius Roma pulsus perdulce putavit
 In vacuis potius consenuisse locis.
Quam patriam vastasse odijs, patriosque penates
 Exilij memores eripuisse dolis.
In paribus viuo rebus persanus amicus,
 Fidus & internis ossibus hæret amor.

E. T.

Anagramma.

CLAVDIVS ROVSEVS.

DEVS CVRAS VOLVIS,

SCylla manu quoties committere proelia forti
 Tentavit, coluit signa verenda Dei,
 Per montes ceruam duxit Sertorius albam,
 A qua fingebat facta tacenda dari
 Tu Deus inuoluis curas, secretaque chartis
 Confilia imponis, res bené semper age.

E. T.

Anagramma.

PETRVS MONEVS.

PER TE MOS VNVS.

Spartanis mores pro scripto iure Lycurgus
 Instituit, durum viuere lege fuit.

Postmodó iura Solon fixit, legesque refixit,
 Vt populus blando cederet obsequio.

Per te iura placent, per te mos constat & vnus,
 Plebs tandem gaudet moribus apta tuis.

E. T.



Anagrammae

ANTONIUS BRACHETIVS.

HIC BONVS IVRA TENTAS.

DVlcifono querulos Hortensius ore clientes
 Hortatur, causas consilioque regit.
 Hipperides Graij Demosthenis æmulus orat,
 Fundit & in medio verba notanda foro.
 Hic bonus urbano tentas iura arcta lepore,
 Et canit in labijs docta Minerua tuis.

E. T.

Anagramma.

PETRVS CHOVTARDVS.

VT CHARVS EST PVDOR.

ADmonet intactas Lucretia casta puellas,
 Ut niteat roseo purus in ore decor.
 Quo sine virgineus pudor exulat, atque superbus
 Tarquinius regnat, proh dolor ante Deos,
 Ut pudor est charus, sic sic super æthera iudex
 Immortalis erit, perge pudore mori.

E. T.

Anagramma.

CAROLVS LVLIERIVS.

VIR ILLVSVS CLAREO.

DVm finit Herculeos prædicere Musa labores,
 Sæptraque fulminei digna refertre Iouis.
 Mens hebetata ruit, subitoque insurgit Vlysses
 Blandifono Græcos qui regit ore duces.
 Vir licet illus Troianæ mœnia gentis
 Diruit, at causas noster Vlysses agit.

E. T.

T

Anagramma.

HIERONIMVS MASSVAV. 5
HEM AMOR SANVS VIVIS.

Antiochū cōpungit amor, tumidisque cruentum
Vulnus alit venis, ignis & igne furit.
Membra cupidineis medicus commota fauillis,
Sanavit dominæ prætereuntis ope.
Sanus amor viuis, sanos contingis honores,
Et paruo causas munere sanus agis.

E. T.

Anagramma.

CAROLVS PICOTEVS.

SOLVS CICERO PVTA.

DEclamat Cicero Latiae facundia linguae,
 Implet & argutum voce patente forum.
 Solus agis Cicero, sanctas Auralia leges
 Seruat, & admonitis plebs moderata tuis.
 Causidicus nostro tandem gratissimus ævo
 Semper eris, gelidas dum dabit Ister aquas.

E. T.

Anagramma.

IOHANNES CALETIVS.

HIC LAVS SANE NITEO.

Argolicus blando cœpit sermone Pericles
 Oppressos fatis condecorare viros.
 Iam te caufidicum victrix Aurelia summis
 Laudibus extollit, pungit, & vrit amor.
 Inde tuo virtus floret pretiosa lepore,
 Et nitet in cunctis laus veneranda locis.

E. T.

Anagramma.

STEPHANVS RASOVERIVS.

HEVS VIR SANVS SPERATO.

Q Vid modó Codre tuū pro charis corpus Athenis
 Obijcis, & patriæ captus amore peris?
Quid Thrasibule feros domuisti Marte tyrannos,
 Núm tuus a supero numine surgit honor?
Vir sanus spera, labor improbus omnia vincit,
 Verbaque sunt factis æquiparanda tuis.

E. T.

Anagramma.

IOANNES NOEL.

IN LEONE SANO.

VT Dacus in fuluo, foelici sorte, Leone
 Inuenit, fuerat qua spoliatus, opem.
 In te sollicito populus spem ponit amicam,
 Te quoque cauidicium iure Senatus amat.
 Ergo age rumpe moras, susceptum & perface munus,
 Hinc referes meritis digna trophaea tuis.

E. T.

Anagramma.

CLAVDIVS TORINVS.

SOL DIVINVS CVRAT.

Critobalus medicis fidus miratur in herbis,
 Sanat & expertis faucia membra modis.
Polycrates valida Democidis arte tyrannus
 Perduxit longos in sua vota dies.
Nunc te diuinus Sol curat, & omnia certo
Fine regit, tandem Sol mihi solus eris.

E. T.

Anagramma.

CAROLVS OVDEBINEVS.
CLARVS DEVS OBUENIO.

H Anno fulmineus princeps Chartaginis altæ
Solerti querulas voce docebat aues.
Hanno, quæ, Deus est mittebant gutture voces:
Sic placuit populo vox repetita leui.
Præclarus Deus obuenio virtute parata,
Et mea Palladijs laurus abundat aquis.

E. T.

Anagramma.

NICOLAVS MVSSARTIVS.
TV MVSIS LAVROS CANIS.

CAntat vt Ædonis blandos Philomela fufurros,
Viuit in Ætheis vt Salamandra rogis.
Regius Idalios repetit Ronfardus amores,
Dicitat & implicitos Martia Musa iocos.
Ardua conscendis Parnaffi culmina montis,
Et Mufis lauros nofter Apollo canis.

E. T.

Anagramma.

NICOLAVS MVSSARDVS.
SOLVS AMICVS DVRANS.

OMnia nascuntur subitis obiecta ruinis,
Nostraque tabifico vita dolore cadit.
In terris tantum perdurat solus amicus;
Viuet & inuita morte perennis amor.

E. T.

Anagramma.

ROLANDVS COLAS.

SOL CLARVS DONA.

ILus cum ruerent flammis delubra Mineruæ,
 Demissum cœlo Palladium eripuit.
 Perdidit vnde oculos; Dea quos cessante furore
 Reddidit illæfos, imperiumque dedit.
 Sol clarus dona mihi cæco lumina, reddam
 Nomina versa tibi, Celtica verba pater.

E. T.

Anagramma.

IOANNES MOREVS.

IANVS REGS MONE.

VT ducis est virtus vitam duxisse, ferendo,
 Martis & horrendas non timuisse minas.
Nauta vt pontiuagus ventis iactatur, & vndis;
 Attamen iratum temperat arte salum.
Iamiam confusus medio pete sydera cursu,
 Consilioque reos Ianus amante mone.

E. T.

Anagramma.

NICOLAUS MOIREAV.
CLARVS IOVI MANEO.

VT Venus æterno sociavit fœdere Adonim,
Et dedit innumeris oscula mixtâ iocis.
Cynthius amplexu Daphnem delusit Apollo,
Vixit & Actiaco grata puella Deo.
Hic mihi nectareos concedunt fata liquores,
Atque Ioui maneo clarus amore meo.

E. T.

Anagramma.

LODOICVS ASINNIVS.

δ SOL DIVINVS CANIS.

Mercurius Iouis interpres, vel nuncius ibat,
 O Sol diuinus iura verenda canis.
 Errabat pariter gelidis in montibus Hermes,
 Phœbus at in nostro viuus, amice, foro.

E. T.

Anagramma.

GERMANVS PICOTEVS.

CANTVS REGVM SEPIO.

TArpender moestas cantus dulcedine mentes
 Delinit, curas demit & ore graues.
 Diuino regum circumdo munere cantus,
 Et datur oranti certa corona mihi.

E. T.

Anagramma.

IVLIVS SEVRRATTVS.

LAVRVS ES VIRTVTIS.

Clitomachus fidens animo, consultus & annis,
 Non tantum patriæ sustinet excidium.
 Admonet at ciues patienter ferre ruinas;
 Siccine virtutis præmia certa tenet.
 Laurus virtutis radicibus insita firmis,
 Diceris, & lauro te meus ornat amor.

E. T.

Anagramma.

CAROLVS DELVINE.

CLARVS DEVS LENIO.

DVm tenet infidijs Capuã ferus Annibal urbem,
 Faucula captiuis Clunia præbet opem.
 Hispanos nullis corruptus Scipio donis
 Vi domitos mittit, lenis & afflat amor.
 Mordaces ducor dictis auertere curas,
 Et lenire viros clarus amore Deus.

E. T.

Anagramma.

CLAVDIVS BRYSSARDVS.
BIS CLARVS, DVRA SYDVS.

L Aomedontæe durant periuria gentis,
Et iacet Æneæ Dido petita dolis.
At tua sydereo virtus manet vltima cœlo,
Bis clarus dura, denique sydus eris.

E. T.

Anagramma.

CAROLVS GENEST.
SOL CANTVS REGE.

E Vmonius magnos meruit Locrensis honores,
Quos volucris chorda deficiente dedit.
Sol modó diuinus cantus rege, quære triumphos
Carminè vocali, ficcine victor eris.

E. T.

X

Anagramma.

STEPHANVS SAVREVS.

HEVS SANVS SVPERAT.

DOctus Hylas cœstu fuit, Androgeusque palestra,
 Democratē immotū circulus omnis habet.
 Tyndaridæ fratres præstantes viribus instant,
 Fulget Olympiacis & Lycus in stadijs.
 In terris nihil est mirandum, credite rebus,
 Vir sanus superat sedulitate Deos.

E. T.

Anagramma.

PETRVS POISLE.

SOL PVRE PETIS.

Sisyphus infernas patitur pro crimine pœnas,
 Caucaſcas Tytius corpore paſcit aues.
 Perfidus Ixion fatali voluitur orbe,
 Et miſer in medio Tantalus amne ſitit.
 Dicis iuſtitiam, diſcis non temnere Diuos,
 Poſtmodó Sol puré lumina clara petis.

E. T.

Anagramma.

LODOICVS MARIVS

Ô DVRIS IVS CLAMO.

Abiectis orat Marius Cenſorius armis,
 Et rhetor cauſas Quintilianus agit.
 Gentibus inclamo duræ cervicis amores,
 Quippe cano Nemefis facta ſequenda Deæ.

E. T.

Anagramma.

LIE' BERGERIVS.

LIBERE' REGIVS.

PYthagoræ feruus Mys longos contulit annos,
 Chrylogonus, Syllæ sub iuga, membra dedit.
 Euporus obsequij Gracchum vincire catenis
 Gestiuit, duro & viuere feruitio.
 Libertatis amor pretio, nec venditur auro:
 Sic mea libertas regia semper erit.

E. T.

Anagramma.

HERCVLES ARCHAMBAVTIVS.

HEV BIAS CHARVS MEL CVRAT.

Viuere dulce puto sine crimine, dulcius inquam,
 Æternas meritis conciliare domos.
 Noster agit vitam nullo discrimine cuius,
 Et charus curat Gnosia mella Bias.

E. T.

Anagramma.

ITIER GRAVETIVS.

TVTI VIRI RES AGE.

Evrymnus studuit quærulos formare dolores,
 Et Cotys assiduo viuere diffidio.
 Etheocles magno regnandi impulsus amore,
 Polynicem duro compulit ense mori.
 Res age consilio, rebus confide secundis,
 Quinetiam tuti fit tibi cura viri.

E. T.

Anagramma.

LODOICVS BLANCHETIVS.

HIC BONVS LITES, CLAVDO.

TImagenes quondam verbis petulantibus audax
 Carpebat populum, nec sine lite fuit.
 Næuius insignes pariter virtute Metellos
 Pungere carminibus, perleue duxit onus.
 Hic bonus insanas claudio sine murmure lites,
 Consilioque silent bella cruenta meo.

E. T.

Anagramma.

SAMSON · GAVDRI.

ARGVS DO MINAS,

Z Oile festina linguæ frænare furores;
 Atque Theonino rodere dente viros.
Daphitas etiam digito compesce labellum:
 Nam decori officiunt verba nefanda tuo.
Juppiter impuræ punit conuitia linguæ,
Do modó crudeles Argus in vrbe minas.

E. T.

Anagramma.

STEPHANVS ROMERIVS.

I, TER PIVS ES ROMANVS

VT Romanus amor charæ pietatis imago
 Sustentat captum lacte fluente senem.
 Oppius a puro proscrip̄tus iudice, nati
 Clamat opem, natus liberat arte patrem.
 Ter pius es Romanus, terque quaterque beatus
 Oscula das matri semisopita tuæ.

E. T.

Anagramma.

IOANNES · BARON.

IN RE BONA SANO.

Peste laborantes Agron sanauit Athenas,
 Largiter effusis vndique luminibus.
 Largior afflictis bona, placo munere Diuos,
 Et sano rebus membra dolenda bonis.

E. T.

Anagramma.

IACOBVS MESMINVS.

MEVS AMICVS BONIS.

Iuppiter ardenti Danaem compungit amore,
 Emonius natam Gnosida Bacchus amat.
 Formosam sentit flagrans amor Herculis Hebem,
 Et facili Daphnem detinet arte Deus.
 Aurea fulcra meus Lydorum captat amicus,
 Et seruire bonis gloria sola manet.

E. T.

Anagramma.

IACOBVS MORINVS.

MORIBVS IVS CANO.

Mortalē, mihi crede, trahit sua quęque voluptas,
 Diuinis etiam legibus vrget amor.
 Gaudet eques fuluum descendere monte Leonem,
 Classica miles amat, congerit alter opes.
 At duce fortuna diuersa negotia voluo,
 Moribus & nitidis consona iura cano.

E. T.

Anagramma.

MICHAEL PELERINVS.

I, LVMEN CELI PARIES.

Solis ama radios, tacitę fuge nubila Lunę,
 Viuere vel Phœbo principe dulces puta.
 Sic lumen cęli paries, tibi cęlifer Atlas
 Cedet, eris tandem verus, amice, Deus.

E. T.

Anagramma.

CLAVDIVS CABARTIVS.

SVB VIA CLARA CVDIT.

L Ignea mirandum volitando per astra columba
 Reddidit Archytam, sed magis ingenium.
Callicrates mira nauem fabricauit & arte,
 Candida quam paruae penna tegebat auis.
Noster amor virtute viros supereminet omnes,
 Cudit & in medijs clara trophaea vijs.

E. T.

Anagramma.

CLAVDIVS GONTAVLTIVS.
 VT GALLVS DIV IVS CANTO.

PEr vada cantat olor vicinæ tempora mortis,
 Mœrentesque Tonos turtur amicus agit.
 Thurea componit viuax altaria Phœnix,
 Floreat vt pullus parturiente rogo.
 Dogmata conclamo venturæ nuncia laudis,
 Et gallus canto candida iura diu.

E. T.

Anagramma.

PETRVS TACITVS.

AT PETIT CVRSVS.

DÆdalus vt leuiter fugeret Minoia regna
 Est superas pennis ausus adire vias.
 Vtque per intactas segetes regina Camilla
 Emicuit cursu, tum celer instat amor.
 Sic petis ardentis virtutis tangere cursus,
 Altaque diuinis scandere tecta modis.

E. T.

Anagramma.

HILARIUS DEBOISEVS.

HILARIS DEVS IVS BEO.

Ecce oculata manus, qua nos Epicarmus honorat,
 Et credit vultus quod videt ante suos.
 Te canimus Ianum pacis, bellique parentem,
 Quo duce regales conciliantur opes.
 Te modó miramur gemmis, ostroque nitentem;
 Vnde hilaris iactas nomen habere Dei.

E. T.

Anagramma.

ANTONIVS MOINETIVS.

IN VOTIS INTVS MANEO.

VT Pandora pio patriæ pro-munere virgo
 Optavit surdas mortis adire vias.
 Vt corpus nouit Macaria nata furentis.
 Hercules, & Theseus cœpit amore mori.
 Sic patriæ seruire meæ, Christoque tonanti,
 In votis maneo, regnat & intus amor.

E. T.

Anagramma.

MICHAEL DVMAS.

HIC MEL DA MUSA.

MUſæus cecinit vates, & Apolline dignus,
 Nestora miratur Græcia docta ſenem,
 Otia pelle, tuo Muſæum carmine vinces;
 Hic mel da muſa, credito, Neſtor eris.

E. T.

Anagramma.

NICOLAVS ROVSSEVS.

RES SOLAS VSV VINCO.

ALcides domuit crudelia monſtra ferendo,
 Vitavit tumidi magna pericla maris.
 Confuſos docuit patienter ferre labores,
 Dein virtute fuit raptus ad aſtra Deus.
 Omnia vincit amor, res ſolas tempore vinco,
 Sæuaque prudenti pectore damna premo.

E. T.

Z

Anagramma.

IACOBVS PISSEVS.

VSV CIBOS SAPIES.

O Ptabat sibi colla gruis Philoxenus ampla,
 Ut biberet mixtis ebria vina fauis.
 Effuge blanditias Veneris, Bacchique liquores,
 Vsu persapies experiente cibos.

E. T.

Anagramma.

IOANNES MENAVTIVS.

Ô NVMA SANE VENISTI.

Q Vis furor ô ciues bellis accersere mortem?
 Sanguine vel puras contaminare manus?
 Non furor est, vitium sequimur, cupimusque negata,
 Mars simul abiecta religione furit.
 Ecce Numa sané venisti, cede quietam
 Pace frui, dabitur certa corona tibi.

E. T.

Anagramma.

NICOLAVS MASSONIUS.

IN SOLO SANVS AMICVS.

CRœsus diues erat, quem Cyrus subdidit armis,
Et bona fortunæ mobilia Dea.

Impositoque rogis Crœso, sermone Solonis,
Contribuit subitam victor honestus opem.

Deprecor vt viuas in terris sanus amicus;
Cyrus vincet opes, Crœsus habebit opem.

E. T.

Anagramma.


PAVLVS ABERTIVS.

TV LAVS PVRE ABIS.

VT Sol dat lucem miseris mortalibus almam,
Post fugit, & nigris Luna triumphat equis.

Vndique laudaris sparso virtutis amore,
Denique laus puré lucida semper abis.

E. T.



Anagramma.

PETRVS · BAVDETIVS.

VT · DIES · PYRVS · BEAT.

Regulus Annibalis furiis moriturus acerbis
 Seruavit, pudor est quam violare, fidem.
 Viua Saguntini fracti victricibus armis
 Corpora funereis imposuere rogis.
 Artibus Hippocrates medicis dotatus abundat,
 Utque dies purus nos sine fraude beat.

E. T.

Anagramma.

PETRVS ASELINEVS.

SALVS PVRE ENITES.

Serpentem Cadmus telis confodit, & Alcon
 Dura salutari monstra fugavit opè.
 Pallentes abigis morbos, sæuosque dolores,
 Reddis & antidotis corpora sana tuis.
 Inde nites patriæ purè tutela, salusque,
Quin nouus Harpocratis diceris ore Deus.

E. T.

Anagramma.

RAIMONIVS DE MASSACO.

IO MEDICVS SANAS MORA.

Phillirides Cyron Phœnicem lumine captum
 Sanat, & infuso numine lumen habet.
 Hyppolito fidus Cressis Epidaurius herbis
 Restituit vitam, quam fera Parca negat.
 Artifici mœstos curas medicamine ciues,
 Et medicus fanas auxiliante mora.

E. T.

Anagramma.

CLAVDIVS MAILARTIVS.

TVA MALA CVRIS DILVIS.

Occurrit medicus græcis Podalirius ægris,
 Attalus & subitam præbuit alter opem.
 Ecce salutiferis mala diluis effera curis,
 Nectareisque leuas lenta venena cibis.
 Te Deus æternum reddet, cœloque locabit,
 Candida marmoreus conteget ossa lapis.

E. T.

Anagramma.

GVLIELMVS BAVCINETIVS.
 GALENVS BIS LVCEM IVVIT.

DEmocrates medicus lāguentia membra liquore
 Gustato Hyberidæ, viuere læta finit.
 Insanas Pœti natas purgare Melampus
 Edocuit, morbum Menecratesque sacrum.
 Quid mirum? medico perfusus odore Galenus
 Bis iuuat hic lucem, sanat & arte viros.

E. T.

Anagramma.

ELIAS PELLAVTIVS.

PALLAS VIVE TELIS.

PAllas nata Iouis, casti regina pudoris,
 Et pictæ vestis gloria prima fuit.
 Pallentem telis Pallas Tyrrhena gigantem
 Fudit, Arachneum & stamine vicit opus.
 Cū modó sis Pallas, medica quoque Phœbus in arte:
 O Pallas telis prouida viue tuis.

E. T.

Anagramma.

ISRAEL HERVETIVS.

HEVS VIRIS LETARE.

VT rude viuendi genus, & commune Timonis
 Congressus hominum dissociare fuit.
 Heu lætare viris, & aperta viuito fronte,
 Nec pigeat medicas applicuisse manus.
 Purpureos sparget populus pro munere flores,
 In morbis etiam Phœbus amicus erit.

E. T.

Anagramma.

GERVASIVS BELINVS.

REGIBVS VENI SALVS.

Clarus Aristogenes molli dulcedine, regi
 Antigono requies, vita, salusque fuit.
 Abnegat ægrotis sudantia balnea Charmis,
 Corpus at hybernis firmiter addit aquis.
 En agedum curijs populo succurre dolenti,
 Quippe veni nostris regibus ampla salus.

E. T.

Anagramma.

SERVASIVS BELINVS.

SALVIS REBVS VENIS.

CAllidus Oceani completo nauita cursu
 Largitur Glauco munera grata Deo.
 Et partis miles præcinctus Marte coronis,
 Apponit clypeos, & spolia ampla locis.
 Ecce venis saluis rebus, populusque madentès
 Naufragij tabulas gaudet habere tui.

E. T.

Anagramma.

IOANNES DE LA ROVE.

EN ADONIS RE VALEO.

Pulcher Adonis erat, quem Cynthia cœpit ocellis
 Perdere, & in collo figere dente notas.
 Cœpit & in varios lachrymas mutare dolores
 Cynthia vefanis plena cupidinibus.
 Crudeles morbos sanare salubribus herbis,
 Et medica valeo pulcher Adonis, ope.

E. T.

Anagramma.

NICOLAUS PAIOTIVS..

INTVS LOCA PIA VISO.

VT fuit Hermonides Phœbi, Triuiæque sacerdos,
 Panthus & infusis per sua colla comis.
 Intus templa colo, monitis loca sancta reuiso
 Impulsus superis, quid magis astra peto?

E. T.

Anagramma.

SIMON ROVSEVS.

VIR SYME SONOS.

C Vrtius in medio perijt Romanus hiatu,
 Saluus vt extincta peste rediret amor.
 Tum Decius chara pro libertate parentum
 Obtulit infernis corpus, & arma Deis.
 Hac virtute rues cautos delapsus in hostes;
 Ergo tuo dignos pectore fume sonos.

E. T.

Anagramma.

IACOBVS PICHARDVS.

HIC BIAS PURVS CADO.

F Ata manent omnes, cunctis stat terminus æui,
 Quippe iubet mortis nos meminisse Deus.
 Irus morte ruit, moritur rex ditior Iro:
 Iure Bias purus morte furente cadam.

E. T.

Anagramma.

IACOBVS DESFRICHES.

Ô DEVS BIS FAC HIC RES.

Tincta Philoctetæ Lernæis crura venenis
 Sanauit medica Pharmácopola manu.
 Regis Alexandri sensus, oculosque dolentes
 Reddidit illæfos experiente modo.
 O Deus híc fac res, populus tibi reddet honores,
 Primus & Emphyricæ laudis amator eris.

E. T.

Anagramma.

RENATVS SAVGEVS.

TV SANVS RES AGE.

Reminibus ciues impurus Hyperbolus angit,
 Vomit & in medijs dira venena cibus.
 Diffona clamoræ procul effuge marmura linguæ,
 Dein res candidulo pectore sanus age.

E. T.

FINIS.